

ა.ა.ი.პ ქალაქ ზუგდიდის მუნიციპალიტეტის  
„კეთილმოწყობის ცენტრი“

## სატენდერო დოკუმენტაცია

გამარტივებული ელექტრონული ტენდერის საშუალებით  
ა.ა.ი.პ ქალაქ ზუგდიდის მუნიციპალიტეტის „კეთილმოწყობის ცენტრი“-ს  
სამსახურის ბალანსზე რიცხული სატრანსპორტო საშუალებების შეკეთებისა და  
ტექნიკური მომსახურების შესყიდვაზე

ქ. ზუგდიდი, 2017 წელი

## 1. ინსტრუქცია ტენდერში მონაწილეთათვის

- 1.1. სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონისა და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 მრძანების საფუძველზე.
- 1.2. წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12<sup>1</sup> მუხლისა და „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-9 მუხლის შესაბამისად.

## 2. შესასყიდი მომსახურების დასახელება, ტექნიკური აღწერილობა და მიწოდების პირობები

- 2.1. შესყიდვის ობიექტის აღწერილობა
  - 2.1.1. შესყიდვის ობიექტს წარმოადგენს: ა.ა.ი.პ ქალაქ ზუგდიდის მუნიციპალიტეტის „ვეთილმომწყობის ცენტრი“-ს სამსახურის ბალანსზე რიცხული სატრანსპორტო საშუალებების შეკეთებისა და ტექნიკური მომსახურების (შესყიდვა).
- 2.2. ტექნიკური დავალება

### სატრანსპორტო საშუალებების მონაცემები

#	მარკა, მოდელი	რაოდენობა	გამოშვების წელი
1	მცირე ტვირთამწეობის სატვირთო ავტომანქანა თვით-მცლელი ford transit 125 FT350 DOKA-ZWILLINGSBEREILFT	1	1999
2	მცირე ტვირთამწეობის სატვირთო ავტომანქანა თვით-მცლელი ford transit 6-SITZE DOKA	1	2000
3	მაღალი გამავლობის ჯიპი ავტომანქანა - TOYOTA HILUX	1	2012
4	მსუბუქი ჰეტჩბეკის ტიპის ავტომობილი SHKODA OCTAVIA	1	2008
5	სპეციალური ავტომანქანა ტელესკოპური ამწე კალათა MERSEDES-BENC 311 CDI	1	2001
6	მორბლიანი ტრაქტორი MTZ BELARUS 1221	1	2007

გასაწევი მომსახურება უნდა მოიცავდეს:

- ✓ ტექნიკური დათვალიერებას და დიაგნოსტიკას.
- ✓ ძრავის, სავალი ნაწილის, გადაცემათა კოლოფის აგრეგატების და ელექტრო-სისტემის შეკეთებას.
- ✓ სატრანსპორტო საშუალებების აქსესუარების შეკეთებას და გამოცვლა-დაყენებას.
- ✓ სათადარიგო ნაწილების შეკეთებას ან/და შეცვლას.
- ✓ სათუნუქე და სამღებრო სამუშაოს შესრულებას.
- ✓ საბურავების მონტაჟს და ბალანსირებას.
- ✓ თვლების შეცვლისა და განმლაღობის გასწორებას.
- ✓ საცხებ-საპოხი მასალების შეცვლას.

სხვა დამატებითი პირობები:

- ✓ პრეტენდენტს მომსახურების გაწევისათვის უპირობოდ უნდა უზრუნველყოს ან სარგებლობის ნებისმიერი ფორმით (იჯარა, თხოვნა, ქირა და ა.შ.) უნდა გააჩნდეს მოქმედი სერვის-ცენტრი, პერსონალით, ტექნიკური საშუალებებითა და შესაბამისი ინფრასტრუქტურით.
- ✓ სერვისცენტრი დაკომპლექტებული უნდა იყოს კვალიფიციური და გამოცდილი მომსახურე პერსონალით, აღჭურვილი უნდა იყოს თანამედროვე აპარატურითა და დანადგარებით.
- ✓ მომსახურება უნდა განხორციელდეს ტენდერში გამარჯვებულისა და შემსყიდველი ორგანიზაციის უფლებამოსილი წარმომადგენლების მიერ შედგენილი დეფექტური აქტის (დათვალიერების აქტი) საფუძველზე, რომელშიც აისახება გასაწევი ტექნიკური მომსახურების აღწერა, სათადარიგო ნაწილებისა და საცხებ-საპოხი მასალების ჩამონათვალი, რაოდენობა ან მოცულობა, ღირებულება (პრეისკურანტით განსაზღვრული ფასების გათვალისწინებით), აგრეთვე მომსახურების დაწყებისა და დასრულების ვადები და შემსყიდველთან შეთანხმებული სხვა ინფორმაცია.

- ✓ თუ ავტომობილის შესაკეთებლად საჭირო გახდა დეფიციტური სათადარიგო ნაწილის მიწოდება (რომლის ყიდვაც მოცემულ მომენტში შეუძლებელია საქართველოში) მომსახურების გაწევის ვადა შესაძლებელია განისაზღვროს შემსყიდველთან შეთანხმებით.
- ✓ მომსახურების გაწევა შესაძლებელი უნდა იყოს რიგში დგომისა და მოცდენის გარეშე.
- ✓ გაწეულ მომსახურებაზე და შეცვლილ სათადარიგო ნაწილებზე უნდა ფრცელდებოდეს მინიმუმ 6 თვიანი საგარანტიო პირობები (საცხებ-საპოხი მასალების, სითხეების, ფილტრებისა და სამუხრუჭე ხუნდებისა).
- ✓ საგარანტიო ვადის პერიოდში, თუ გამოვლინდა, რომ სრულყოფილად არ არის შესრულებული მომსახურება ან/და შეცვლილი სათადარიგო ნაწილები აღმოჩნდა წუნდებული ტენდერში გამარჯვებული პრეტენდენტი ვალდებულია განახორციელოს აღმოჩენილი ხარვეზის ან/და წუნდებული სათადარიგო ნაწილების შეცვლა ან შეკეთება, შემსყიდველის მხრიდან რაიმე დამატებითი დანახარჯის გაწევის გარეშე.
- ✓ თუ ტენდერში გამარჯვებული ვერ ახერხებს საკუთარ სერვის ცენტრში ავტომობილის ტექნიკურ მომსახურებას და მომსახურება უნდა განხორციელდეს ქვეკონტრაქტორ სერვისცენტრში, ამ შემთხვევაში ვალდებულია წინასწარ შეთანხმოს შემსყიდველ ორგანიზაციასთან ქვეკონტრაქტორის ვინაობა, ასევე, ავტომობილის გადაყვანის ხარჯებს აანაზღაურებს ტენდერში გამარჯვებული პრეტენდენტი.
- ✓ ტენდერში გამარჯვებული ვალდებულია ავტომობილის გაუმართაობის შემთხვევაში, სერვისცენტრამდე, გადაყვანა მოახდინოს გადაშვით, საკუთარი ხარჯებით.

2.3. მომსახურების გაწევის პირობები და ვადები

- 2.3.1. ტენდერში გამარჯვებულმა მომსახურება გაწევა უნდა უზრუნველყოს, ეტაპობრივად, ხელშეკრულების გაფორმებიდან 2017 წლის 31 დეკემბრამდე, შემსყიდველის მოთხოვნის შესაბამისად.
- 2.3.2. ყოველ ეტაპზე მომსახურების გასაწევა უნდა განხორციელდეს არაუგვიანეს 3 (სამი) სამუშაო დღის ვადაში. ავტომობილის შეკეთების ვადა არ უნდა აღემატებოდეს დეფექტური აქტის შედგენიდან: სავალი და სხვა ნაწილების შეცვლაზე 1-3 სამუშაო დღეს; ძრავის, გადაცემათა კოლოფის აგრეგატებისა და ხიდის შეკეთებაზე 10 სამუშაო დღეს; სათუნუქე-სამძებრო სამუშაოებზე 10-15 სამუშაო დღეს; ან კონკრეტულ შემთხვევაში ურთიერთშეთანხმებით.
- 2.3.3. ტენდერში გამარჯვებულ პრეტენდენტს მომსახურების გაწევისათვის სასურველია, ზუგდიდის მუნიციპალიტეტის ტერიტორიაზე, გააჩნდეს მოქმედი სერვის-ცენტრი.

2.4. დამატებითი მოთხოვნა

- 2.4.1. პრეტენდენტის მიერ ხარჯთაღრიცხვაში მითითებული მომსახურების ერთეულის ღირებულება არ უნდა აღემატებოდეს შემსყიდველის მიერ შესაბამის გრაფაში მითითებულ მომსახურების ერთეულის სავარაუდო ღირებულებას, წინააღმდეგ შემთხვევაში მოხდება პრეტენდენტის დისკვალიფიკაცია. ასევე, პრეტენდენტის მიერ სატენდერო წინადადებაში დაფიქსირებული თავდაპირველი პოზიციის ფასს არ უნდა აღემატებოდეს ვაჭრობის შემდეგ შესაბამის პოზიციაში დაფიქსირებული პოზიციის საბოლოო ფასი.
- 2.4.2. თუ ხელშეკრულების დადების შემდეგ, ხელშეკრულების მოქმედების პერიოდში აღმოჩნდება, რომ პრეისკურანტი არ არსებობს რომელიმე სახის ტექნიკური მომსახურება ან/და სათადარიგო ნაწილები, აღნიშნული მომსახურების ან/და სათადარიგო ნაწილების ერთეულის ფასი, მისი შესყიდვის აუცილებლობისას დადგინდება ურთიერთშეთანხმებით, საბაზრო ფასის გათვალისწინებით, ასეთ შემთხვევაში პრეისკურანტი შესაბამისი მომსახურების ან/და სათადარიგო ნაწილების არარსებობით გამოწვეული შესყიდვის ხვედრითი წილი არ შეიძლება აღემატებოდეს პრეტენდენტის მიერ ელექტრონული ვაჭრობის შედეგად დაფიქსირებული პრეისკურანტის საბოლოო ჯამური ღირებულების 10%-ს.
- 2.4.3. იმ შემთხვევაში, თუ ტენდერში, ელექტრონული ვაჭრობის შედეგად პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტმა, შემსყიდველი ორგანიზაციის მოთხოვნისა, 5 (ხუთი) სამუშაო დღის ვადაში უნდა უზრუნველყოს ფასწარმოქმნის ადეკვატურობის ან/და ამ ფასად ტენდერით გათვალისწინებული ვალდებულების შესრულების შესაძლებლობის დასაბუთება. ფასწარმოქმნის ადეკვატურობა, შესაძლებელია დასაბუთდეს ექსპერტების ან აუდიტორის დასკვნით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

3. საკვალიფიკაციო მოთხოვნები

3.1. ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტაცია

3.1.1. უფლებამოსილი ადმინისტრაციული ორგანოებიდან წარმოსადგენი საკვალიფიკაციო მონაცემები უნდა შეიცავდეს შემდეგ ცნობებსა და დოკუმენტებს:

იურიდიული პირისათვის:

საკვალიფიკაციო მოთხოვნების გარეშე.

ფიზიკური პირისათვის:

საკვალიფიკაციო მოთხოვნების გარეშე.

როგორც იურიდიული, ასევე ფიზიკური პირებისათვის:

საკვალიფიკაციო მოთხოვნების გარეშე.

3.2. საკვალიფიკაციო კრიტერიუმები და ტექნიკური მონაცემები

საკვალიფიკაციო მოთხოვნების გარეშე.

#### 4. სატენდერო დოკუმენტაციის შესახებ დამატებითი ინფორმაცია

4.1. სახელმწიფო შესყიდვის განხორციელების დაფინანსების წყარო

4.1.1. ა.ა.ი.პ ქალაქ ზუგდიდის მუნიციპალიტეტის კეთილმოწყობის ცენტრის 2017 წლის ბიუჯეტი.

4.2. სატენდერო წინადადების ფასი

4.2.1. სატენდერო წინადადების ღირებულება წარმოდგენილი უნდა იყოს მომსახურების სრულყოფილად შესრულებასთან დაკავშირებული ყველა ხარჯისა და საქართველოს კანონმდებლობით დადგენილი ყველა გადასახადის გათვალისწინებით.

4.2.2. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას.

4.2.3. სატენდერო წინადადებაში საერთო და ერთეულის ფასი გამოსახული უნდა იყოს ეროვნულ ვალუტაში \_ ლარში.

4.3. ანგარიშსწორების პირობები

4.3.1. ანგარიშსწორება განხორციელდება უნაღდო ანგარიშსწორების წესით, თანხის გადარიცხვის ფორმით.

4.3.2. ანგარიშსწორება განხორციელდება ეტპობრივად, ფაქტობრივად გაწეული მომსახურების გათვალისწინებით შესაბამისი მიღება-ჩაბარების აქტისა და საგადასახადო ანგარიშგაქტურის (ან კანონმდებლობით დაშვებული სხვა დოკუმენტის) წარდგენიდან 10 (ათი) სამუშაო დღის განმავლობაში.

4.3.3. წინასწარი გადახდის მექანიზმი (ავანსი) არ გამოიყენება.

4.4. პრეტენდენტის სატენდერო წინადადება და ტექნიკური დოკუმენტაცია

4.4.1. პრეტენდენტის სატენდერო წინადადება უნდა შეიცავდეს შემდეგ დოკუმენტებსა და ინფორმაციას:

ა) პრეისკურანტის შევსებულ ფორმას (№1 დანართის შესაბამისად, პრეისკურანტის წარმოუდგენლობა ან/და ხარჯთაღრიცხვაში არსებითი შეუსაბამობა გამოიწვევს პრეტენდენტის დისკვალიფიკაციას).

ბ) გასაწევი მომსახურების ტექნიკური პირობები (დანართი #2-ის შესაბამისად)

გ) ინფორმაციას ტექნიკური მომსახურების ობიექტის ადგილმდებარეობის შესახებ (მისამართების მითითებით, დანართი #3-ის შესაბამისად).

დ) პრეტენდენტის შესახებ ინფორმაციას (№4 დანართის შესაბამისად).

4.4.2. 4.4.1. პუნქტით გათვალისწინებული ყველა დოკუმენტი და ინფორმაცია წარმოადგენს პრეტენდენტის სატენდერო წინადადებას, რომელიც უნდა აიტვირთოს სახელმწიფო შესყიდვების ერთიან ელექტრონულ სისტემაში, პრეტენდენტის მიერ სატენდერო წინადადების შეთავაზებისას.

- 4.4.3. პრეტენდენტს უფლება არა აქვს წარმოადგინოს ალტერნატიული სატენდერო წინადადება.
- 4.4.4. სატენდერო დოკუმენტაციის შესაბამისად მოთხოვნილი ინფორმაციის ან დოკუმენტაციის წარუდგენლობის შემთხვევაში შესაძლოა მოხდეს ტენდერში მონაწილე პრეტენდენტის დისკვალიფიკაცია.
- 4.4.5. ტენდერში მონაწილე პრეტენდენტის სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია შედგენილ უნდა იქნეს ქართულ ენაზე. დოკუმენტის ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი. ამ შემთხვევაში მოცემული სატენდერო წინადადების ინტერპრეტაციის დროს, უცხოენოვან დოკუმენტსა და მის ქართულ ენაზე შესრულებულ თარგმანს შორის უპირატესობის მინიჭების საკითხს წყვეტს სატენდერო კომისია.

4.5. სატენდერო წინადადების მომზადება და შევსების წესი

- 4.5.1. სატენდერო ფორმა და დანართები უნდა მომზადდეს შესაბამისი ფორმის გამოყენებით, რომელიც წარმოდგენილია სატენდერო დოკუმენტაციით. ფორმები უნდა შეივსოს ტექსტის გადაკეთების გარეშე, თითოეული ცარიელი ადგილი უნდა შეივსოს მოთხოვნილი ინფორმაციით.
- 4.5.2. პრეტენდენტის მიერ წარმოდგენილი ყველა დოკუმენტი და ინფორმაცია უნდა იყოს სათანადოდ უფლებამოსილი პირის მიერ ხელმოწერილი და ბეჭედ დასმული (საჭიროების შემთხვევაში ატვირთული უნდა იქნეს მინდობილობა ან რწმუნებულება).
- 4.5.3. პრეტენდენტის სატენდერო წინადადება ძალაში რჩება სახელმწიფო შესყიდვების სააგენტოს თვითმართვის 2011 წლის 7 აპრილის №9 მრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „უ“, „რ“ ან „ტ“ ქვეპუნქტებით გათვალისწინებული ეტაპების დადგომამდე.
- 4.5.4. სხვა დამატებითი ინფორმაციისა და დოკუმენტაციის (ასეთის არსებობის შემთხვევაში) შევსების წესი განისაზღვრება დამატებით მოთხოვნებისა და/ან შენიშვნ(ებ)ის სახით.

შენიშვნა (1): პრეტენდენტი აღნიშნულ ტენდერში მონაწილეობით ავტომატურად ადასტურებს, რომ მისთვის ცნობილია წინამდებარე სატენდერო დოკუმენტაციით დადგენილი მოთხოვნები და ინსტრუქცია ტენდერში მონაწილეთათვის.

შენიშვნა (2): შესაძლებელია პრეტენდენტს სატენდერო კომისიის გადაწყვეტილების შესახებ და ასევე, გამარჯვების შემთხვევაში საჭირო შეტყობინებები (სათანადოდ უფლებამოსილი პირის მიერ ხელმოწერილი) გაეგზავნოს ელექტრონული ფოსტის საშუალებით.

5. სატენდერო კომისიის აპარატის იმ წევრის ვინაობა და საკონტაქტო ინფორმაცია, რომელსაც უფლება აქვს გასცეს ინფორმაცია და განმარტებები შესყიდვის პროცედურების შესახებ

- 5.1. სატენდერო დოკუმენტაციის შესახებ დამატებითი ინფორმაციისა და შესყიდვის პროცედურების შესახებ განმარტებების მისაღებად დაინტერესებულ პირებს შეუძლიათ მიიღონ შემდეგი პირისაგან: ბაჩანა ბულია – სატენდერო კომისიის აპარატის წევრი, მისამართზე: ქ. ზუგდიდი, რუსთაველის ქ. №87, საკონტაქტო ტელეფონი: +995 591 901 095.

**6. სახელმწიფო შესყიდვის შესახებ ხელშეკრულება**  
(პ რ ე ქ ტ ი)

წინამდებარე დოკუმენტი წარმოადგენს სახელმწიფო შესყიდვის შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად გამარჯვებულ პრეტენდენტთან, ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს გამარჯვებული პრეტენდენტის სატენდერო წინადადების შესაბამისად.

ქ.ზუგდიდი

..... 2017 წელი.

ერთი მხრივ, ა.ა.ი.პ ქალაქ ზუგდიდის მუნიციპალიტეტის „კეთილმოწყობის ცენტრი“-ს (შემდგომში, ხელშეკრულების ტექსტში – შემსყიდველი), მისი უფლებამოსილი წარმომადგენლის, დირექტორის მამუკა ციმინტიას სახით და მეორე მხრივ, ..... (შემდგომში, ხელშეკრულების ტექსტში – მიმწოდებელი), მისი უფლებამოსილი წარმომადგენლის, ..... სახით, ორივე ერთად წოდებული როგორც – მხარეები, „სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს თვზღომარის 2011 წლის 7 აპრილის №9 მრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის შესახებ“ მოთხოვნათა შესაბამისად, განხორციელებული გამარტივებული ელექტრონული ტენდერის (SPA.....) ფარგლებში მიმწოდებლის მიერ წარმოდგენილი სატენდერო წინადადების გათვალისწინებით, ვდებთ ამ ხელშეკრულებას (შემდგომში, ხელშეკრულების ტექსტში – ხელშეკრულება) შემდეგზე:

1. გამოყენებული ტერმინების განმარტებები  
ხელშეკრულებაში გამოყენებულ ტერმინებს აქვთ შემდეგი მნიშვნელობა:
  - 1.1. „ხელშეკრულება სახელმწიფო შესყიდვის შესახებ“ – შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
  - 1.2. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
  - 1.3. „შემსყიდველი ორგანიზაცია“ ნიშნავს ორგანიზაციას (დაწესებულებას), რომელიც ახორციელებს შესყიდვას.
  - 1.4. „მიმწოდებელი“ ნიშნავს პირს, რომელიც ახორციელებს სამუშაოებს, სახელმწიფო შესყიდვის შესახებ მოცემული ხელშეკრულების ფარგლებში.
2. ხელშეკრულების საგანი
  - 2.1. ხელშეკრულების საგანია, ა.ა.ი.პ ქალაქ ზუგდიდის მუნიციპალიტეტის კეთილმოწყობის ცენტრის 2017 წლის ბიუჯეტის სახსრებით, შემსყიდველის მიერ მიმწოდებლისაგან ..... (შემდგომში, ხელშეკრულების ტექსტში – მომსახურება) შესყიდვა (CPV კოდი: .....).
  - 2.2. მიმწოდებელი ვალდებულია კისრულობს გაუქმოს შემსყიდველს ზემოაღნიშნული მომსახურება ხელშეკრულების პირობების შესაბამისად, ხოლო შემსყიდველი ვალდებულია კისრულობს აუნაზღაუროს მიმწოდებელს გაწეული მომსახურების ღირებულება, ხელშეკრულების პირობებში ასახულ ვადებში და ფორმით.
3. ხელშეკრულების ღირებულება
  - 3.1. შესასრულებელი სამუშაოს მთლიანი ღირებულება, სამუშაოების სრულყოფილად შესრულებასთან დაკავშირებული ყველა ხარჯისა და საქართველოს კანონმდებლობით დადგენილი გადასახადების გათვალისწინებით, შეადგენს: ..... (.....) ლარს (შემდგომში, ხელშეკრულების ტექსტში – სახელშეკრულებო ღირებულება).
  - 3.2. გასაწევი მომსახურების ღირებულება, მომსახურების სრულყოფილად გაწევასთან დაკავშირებული ყველა ხარჯისა და საქართველოს კანონმდებლობით დადგენილი გადასახადების გათვალისწინებით შეადგენს: ..... (.....) ლარს (შემდგომში, ხელშეკრულების ტექსტში – ხელშეკრულების ღირებულება).
4. მომსახურების გაწევის პირობები
  - 4.1. წინამდებარე ხელშეკრულებით გათვალისწინებული მომსახურება გაწეული უნდა იქნეს ეტაპობრივად, ხელშეკრულების გაფორმებიდან 2017 წლის 31 დეკემბრამდე, შემსყიდველის მოთხოვნის შესაბამისად.
5. მიღება-ჩაბარების წესი
  - 5.1. მიმწოდებლის მიერ გაწეული მომსახურება ჩაითვლება მიღებულად მხოლოდ მიღება-ჩაბარების აქტის (ფაქტობრივად გაწეული მომსახურების მიღების აქტი) გაფორმების შემდეგ.
  - 5.2. ხელშეკრულებით გათვალისწინებული მომსახურების მიღებას ახორციელებენ შემსყიდველისა და მიმწოდებლის მიერ საამისოდ უფლებამოსილი წარმომადგენლები, რომლებიც გაწეული მომსახურების მიღების შედეგების მიხედვით აფორმებენ მიღება-ჩაბარების აქტს.
6. ანგარიშსწორების ფორმა და წესი
  - 6.1. ანგარიშსწორება განხორციელდება უნაღლო ანგარიშსწორების წესით, თანხის გადარიცხვის ფორმით მიმწოდებლის საბანკო ანგარიშზე, რომელიც მითითებულია წინამდებარე ხელშეკრულებაში.

- 6.2. ანგარიშსწორებას შემსყიდველი განახორციელებს ეტაპობრივად, ფაქტობრივად გაწეული მომსახურების გათვალისწინებით შესაბამისი მიღება-ჩაბარების აქტისა და სავადასახადო ანგარიშფაქტურის (ან კანონმდებლობით დაშვებული სხვა დოკუმენტის) წარდგინიდან 10 (ათი) სამუშაო დღის განმავლობაში.
7. მხარეთა უფლება-მოვალეობანი
- 7.1. შემსყიდველი ვალდებულია:
- 7.1.1. უზრუნველყოს გაწეული მომსახურების მიღება და შესაბამისი ანაზღაურების გადახდა მიმწოდებლისათვის, წინამდებარე ხელშეკრულების პირობათა სრული დაცვით.
- 7.2. შემსყიდველი უფლებამოსილია:
- 7.2.1. მიმწოდებლისგან მოითხოვოს მომსახურების გაწევა, ხელშეკრულებით დადგენილი პირობებითა და განსაზღვრულ ვადაში.
- 7.2.2. მომსახურების ან მისი ნაწილის დასრულების შემდგომ, განახორციელოს მიმწოდებლის მიერ გაწეული მომსახურების შემოწმება, გაწეული მომსახურების ხელშეკრულების პირობებთან შესაბამისობის დადგენის მიზნით.
- 7.2.3. მიმწოდებლის მიერ ხელშეკრულებით გათვალისწინებულ პირობათა შეუსრულებლობის შემთხვევაში შეწყვიტოს ხელშეკრულება.
- 7.3. მიმწოდებელი ვალდებულია:
- 7.3.1. ხელშეკრულებით დადგენილ ვადაში, ხელშეკრულებით დადგენილი პირობებით გასწიოს მაღალკვალიფიციური მომსახურება.
- 7.3.2. ხელშეკრულების მოქმედების პერიოდში შემსყიდველს წარუდგინოს გაწეულ მომსახურებასთან დაკავშირებით ნებისმიერი სახის ინფორმაცია და დოკუმენტ(ებ)ი.
- 7.3.3. საკუთარი ხარჯებით უზრუნველყოს შემსყიდველის მიერ გამოვლენილი ყველა ნაკლისა და დეფექტის აღმოფხვრა, რომელიც გამოწვეულია გაწეული მომსახურებიდან.
- 7.3.4. დაუყოვნებლივ აცნობოს შემსყიდველს იმ მოსალოდნელ მოვლენებთან და გარემოებებთან დაკავშირებით, რომლებმაც შეიძლება უარყოფითად იმოქმედონ მომსახურების გაწევაზე.
- 7.3.5. დაუყოვნებლივ აცნობოს შემსყიდველს ხელშეკრულებით გათვალისწინებული ვალდებულებების შესრულების შეუძლებლობისა ან/და ხელისშემშლელ დაბრკოლებათა შესახებ.
- 7.3.6. ხელშეკრულების შესრულების პერიოდში სუბკონტრაქტების დადების აუცილებლობის წარმოშობის შემთხვევაში, წერილობით აცნობოს შემსყიდველს, შესაბამისი თანხმობის მისაღებად.
- 7.4. მიმწოდებელი უფლებამოსილია:
- 7.4.1. შემსყიდველისაგან მოითხოვოს ამ ხელშეკრულებით გათვალისწინებული ვალდებულებების სრულად და დროულად შესრულება.
- 7.4.2. მოსთხოვოს შემსყიდველს მომსახურების განსახორციელებლად ყველა საჭირო დოკუმენტაციისა და ინფორმაციის მიწოდება.
8. უფლებების გადაცემა
- 8.1. მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ხელშეკრულებით გათვალისწინებული უფლება-მოვალეობანი.
9. ხელშეკრულების პირობების გადასინჯვის შესაძლებლობა
- 9.1. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 9.2. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია თავდაპირველად დადებული ხელშეკრულების ჯამური ღირებულების 10%-ზე (ათი პროცენტი) მეტი ოდენობით გაზრდა.
10. ხელშეკრულებაში ცვლილებების შეტანა
- 10.1. ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები.
- 10.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლის გამოც წარმოიშვა ხელშეკრულების პირობების შეცვლის აუცილებლობა.
- 10.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

11. შეტყობინება

- 11.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად უგზავნის მეორე მხარეს, გაიგზავნება წერილის, ფაქსის ან ელექტრონული სახით, ორიგინალის შემდგომი წარმოდგენით, მეორე მხარის ხელშეკრულებაში მითითებულ მისამართზე.
- 11.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

12. ხელშეკრულების შესრულების შეფერხება

- 12.1. ხელშეკრულების შესრულების პროცესში, მხარეთა წინაშე წარმოშობილი დაბრკოლების გამო, ნაკისრი ვალდებულებების ვერ ან არაჯეროვნად შეუსრულებლობის საფრთხის შესახებ, მხარე ვალდებულია წერილობით აცნობოს მეორე მხარეს შეფერხების ფაქტის, მისი შესაძლო ხანგრძლივობისა და გამოწვევი მიზეზების შესახებ. ხოლო შეტყობინების მიმღები მხარე კი ასევე, დაუყოვნებლივ აცნობებს თავის გადაწყვეტილებას, აღნიშნულ გარემოებებთან დაკავშირებით.
- 12.2. იმ შემთხვევაში, თუკი ხელშეკრულების პირობების შეფერხების გამო მხარეები შეთანხმდებიან ხელშეკრულების მოქმედების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

13. ხელშეკრულების პირობების შეუსრულებლობა (პასუხისმგებლობა)

- 13.1. ფორს-მაჟორული პირობების გარდა, მიმწოდებლის მიერ ხელშეკრულებით ნაკისრი ვალდებულებების შეუსრულებლობა ან/და დაგვიანებით შესრულება გამოიწვევს მის პასუხისმგებლობას, საქართველოს მოქმედი კანონმდებლობითა და წინამდებარე ხელშეკრულებით გათვალისწინებული წესით.
- 13.2. ხელშეკრულებით განსაზღვრული ვადების დარღვევის შემთხვევაში, თუ სხვა ვადებს მხარეები არ შეთანხმებენ წერილობით, ყოველი დაგვიანებული დღისათვის მიმწოდებელს ეკისრება პირგასამტეხლო, ხელშეკრულების ღირებულების 0,1%-ის ოდენობით.
- 13.3. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს, შემსყიდველი უფლებამოსილია ცალმხრივად შეწყვიტოს ხელშეკრულება და მოსთხოვოს მიმწოდებელს პირგასამტეხლოს გადახდა.
- 13.4. თუ, მიმწოდებელი ხელშეკრულებით განსაზღვრული ვადის ფარგლებში ვერ შეასრულებს ნაკისრ ვალდებულებებს, შემსყიდველი უფლებამოსილია: ა) შეწყვიტოს ხელშეკრულება და მიმწოდებელი, ხელშეკრულების არაჯეროვანი შესრულებისათვის დააჯარიმოს, ხელშეკრულების საერთო თანხის 5%-ის ოდენობით; ბ) განუსაზღვროს მომსახურების დასრულებისათვის დამატებითი გონივრული ვადა, რა ვადაშიც მიმწოდებელი ყოველ ვადაგადასცილებულ დღეზე იხდის, პირგასამტეხლოს ხელშეკრულების ღირებულების 0,1%-ის ოდენობით.
- 13.5. საჯარიმო სანქციების გადახდა უნდა მოხდეს შემსყიდველის წერილობითი მოთხოვნის მიღებიდან 20 (ოცი) სამუშაო დღის განმავლობაში.
- 13.6. შემსყიდველი უფლებას იტოვებს მოახდინოს პირგასამტეხლოს გამოქვითვა მიმწოდებლისათვის ასანაზღაურებელი თანხიდან ან სახელშეკრულებო ღირებულებიდან დაუკავოს თანხა, გადასახდელი პირგასამტეხლოს ორმაგ ოდენობამდე, დაკისრებული ჯარიმის სრულ დაფარვამდე.
- 13.7. წინამდებარე ხელშეკრულების მოქმედი პუნქტებით გათვალისწინებული პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისგან.
- 13.8. პასუხისმგებლობის სხვა ფორმები, რაც არ არის გათვალისწინებული ამ ხელშეკრულებაში, განისაზღვრება მოქმედი კანონმდებლობით.

14. ხელშეკრულების მოქმედების შეწყვეტა

- 14.1. შემსყიდველი უფლებამოსილია ცალმხრივად შეწყვიტოს ხელშეკრულების სრული ან ცალკეული პირობების მოქმედება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:
  - 14.1.1. თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია შეასრულოს სამუშაო ან მისი ნაწილი;
  - 14.1.2. თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება;
  - 14.1.3. თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
  - 14.1.4. მიმწოდებლის გადახდისუნარიანობის ან გაკოტრების შემთხვევაში;
  - 14.1.5. თუ მიმწოდებლის მიერ გადასახდელი პირგასამტეხლოს ჯამური თანხა გადააჭარბებს ხელშეკრულების ღირებულების 1%-ს;
  - 14.1.6. საქართველოს კანონმდებლობით გათვალისწინებულ სხვა შემთხვევებში.
- 14.2. ხელშეკრულების შეწყვეტის შესახებ მხარეს ეცნობება წერილობით ხელშეკრულების (ან მისი ნაწილის) შეწყვეტამდე 3 (სამი) დღით ადრე მაინც, ამასთან უნდა მიეთითოს მიღებული გადაწყვეტილების საფუძველი და მისი ამოქმედების თარიღი.
- 14.3. ხელშეკრულების ცალკეული პირობების მოქმედების შეწყვეტა, არ ათავისუფლებს მიმწოდებელს დანარჩენი ვალდებულებების შესრულებისგან.
- 14.4. ამ მუხლის 14.1. პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.



- 14.5. მხარეთა შორის გაფორმებული მიღება-ჩაბარების საბოლოო აქტი წარმოადგენს ხელშეკრულების მოქმედების შეწყვეტის საფუძველს.
15. ფორს-მაჟორი
- 15.1. ხელშეკრულების დამდები, რომელიმე მხარის მიერ ხელშეკრულების პირობების შეუსრულებლობა ან დარღვევა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.
- 15.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღებელი და მათი კონტროლისაგან დამოუკიდებელი გარემოებებს, რომლებიც არ არიან დაკავშირებული შემსყიდველისა ან/და მიმწოდებლის შეცდომებსა და დაუდევრობასთან ან/და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და ტვირთის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
- 15.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებებისა და მათი გამოაშფოთების მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს ამოინახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოების ზეგავლენისაგან.
- 15.4. ფორს-მაჟორული გარემოებების არსებობა ავტომატურად არ იწვევს ხელშეკრულების გაუქმებას. მხარეები ვალდებული არიან განსაზღვრონ წინამდებარე ხელშეკრულების ფორს-მაჟორულ მოვლენებთან მისადაგების საკითხი.
- 15.5. ფორს-მაჟორული გარემოებების შეწყვეტისთანავე მხარეები დაუყოვნებლივ აგრძელებენ ხელშეკრულებით ნაკისრი ვალდებულებების შესრულებას.
- 15.6. ფორს-მაჟორული გარემოებების არსებობის პირობებში, ხელშეკრულების შესრულების ვადა გადაიწვეს შესაბამისი დროით, თუ მხარეთა შორის არ იქნა მიღწეული სხვაგვარი შეთანხმება.
- 15.7. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდება სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.
16. დავების გადაწყვეტის წესი
- 16.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.
- 16.2. შეთანხმების მიუღწევლობის შემთხვევაში მხარეები მიმართვენ სასამართლოს, საქართველოს კანონმდებლობის შესაბამისად.
17. ხელშეკრულების ინსპექტირების პირობები
- 17.1. ხელშეკრულების კონტროლის, გასაწევი ან გაწეული მომსახურების მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელებისა და მიღება-ჩაბარების აქტ(ებ)ის გაფორმებისა და ხელშეკრულების პირობების შესაბამისად მიმწოდებელთან ანგარიშსწორების პროცესის რეგულირების საკითხებში მიმწოდებელთან ითანამშრომლებს შემსყიდველის მიერ ამისათვის გამოყოფილი ინსპექტირების ჯგუფი, შემდეგი შემადგენლობით:
- 17.2. ინსპექტირების ჯგუფი, უფლებამოსილი არიან შეამოწმონ გაწეული მომსახურება ან მისი ნაწილი, რათა განსაზღვრონ მათი შესაბამისობა ხელშეკრულების მოთხოვნებთან.
- 17.3. მიმწოდებელი ვალდებულია საკუთარი ხარჯებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა საშუალო პირობებით.
- 17.4. იმ შემთხვევაში, თუ ინსპექტირებისას გამოვლინდა წუნი ან/და ხარვეზი, მიმწოდებელი ვალდებულია, საკუთარი ხარჯებით, უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.
- 17.5. ხელშეკრულების ფარგლებში ანაზღაურებული იქნება მხოლოდ იმ მომსახურების ღირებულება, რომლის მოცულობასა და ხარისხზე არსებობს შემსყიდველის მიერ დადასტურებული აქტი.
18. დასკვნითი დებულებანი
- 18.1. საკითხები, რომლებიც არ არის რეგულირებული წინამდებარე ხელშეკრულებით, წყდება საქართველოს მოქმედი კანონმდებლობის საფუძველზე.
- 18.2. ხელშეკრულების დებულებებში ცვლილებების ან/და დამატებების შეტანა შესაძლებელია მხოლოდ მხარეთა შორის ურთიერთშეთანხმების საფუძველზე, წერილობითი გაფორმების შედეგად.
- 18.3. ხელშეკრულების ერთ-ერთი მხარის მიერ, ხელშეკრულებით გათვალისწინებული რომელიმე უფლების გამოყენებლობა არ წარმოადგენს ამ უფლებაზე უარის თქმას.
- 18.4. ამ ხელშეკრულების რომელიმე პუნქტის (ან მისი ნაწილის) გაუქმება არ იწვევს დანარჩენი პუნქტების გაუქმებას.
- 18.5. მხარეთა შორის ნებისმიერი შეტყობინება საჭიროებს წერილობით ფორმას. მხარეთა შორის ზეპირი შეტყობინებები ან/და შეთანხმებები სადალოების, ურწმინოების ან უზუსტობების შემთხვევაში იურიდიული ძალის არმქონეა.

- 18.6. მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას და ღირსებას, დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.
- 18.7. ხელშეკრულება ძალაში შედის მხარეების მიერ მისი ხელმოწერის დღიდან და მოქმედებს 2018 წლის .....  
.....მდე. თუ, ამ თარიღისათვის არ არის შესრულებული რომელიმე ვალდებულება ხელშეკრულება ავტომატურად გაგროვდება მხარეთა მიერ ნაკისრი ვალდებულებების სრულად და ჯეროვნად შესრულების მომენტამდე.
- 18.8. წინამდებარე ხელშეკრულება შედგენილია ქართულ ენაზე, ორი თანაბარუფლებიანი ძალის მქონე ეგზემპლარად და ინახება მხარეებთან (სამი ეგზემპლარი შემსყიდველთან, ხოლო ერთი პირი მიმწოდებელთან).
19. მხარეთა მისამართები, საბანკო რეკვიზიტები და ხელმოწერები

შ ე მ ს ყ ი დ ვ ე ლ ი

მ ი მ წ ო დ ე ბ ე ლ ი

## 7. პრეტენდენტის მიერ ტექნიკური დოკუმენტაციის სახით სისტემაში ასატვირთი დოკუმენტაცია

დანართი №1

ა.ა.ი.პ ქალაქ ზუგდიდის მუნიციპალიტეტის კეთილმოწყობის ცენტრის სამსახურის  
ბალანსზე რიცხული სატრანსპორტო საშუალებების შეკეთებისა და ტექნიკური  
მომსახურების

პრეისკურანტი

(წარმოდგენილი უნდა იქნეს №1 დანართის მიხედვით)

### შენიშვნა:

- 1) პრეტენდენტის მიერ სისტემის მეშვეობით წარდგენილი წინადადების ფასი არ უნდა აღემატებოდეს პრეისკურანტის სავარაუდო ღირებულებას (განფასების ცხრილების თითოეულ პოზიციაზე მითითებულ სავარაუდო ერთეულის ფასს) და ელექტრონული ვაჭრობის შედეგად წინადადების ფასის კლება შესაძლებელია განხორციელდეს მხოლოდ პრეისკურანტის სავარაუდო ღირებულებასთან მიმართებაში.
- 2) პრეისკურანტის სავარაუდო ღირებულება შეადგენს 175134 ლარს, ხოლო გასაწევი მომსახურების სახელშეკრულება ღირებულება განისაზღვრება 48000 ლარით.
- 3) პრეისკურანტში მითითებული ფასები არის მაქსიმალური და ყოველ კონკრეტულ შემთხვევაში მომსახურება უნდა განხორციელდეს მოცემული მომენტისათვის არსებული საბაზრო ფასით, რომელიც შეიძლება იყოს ნაკლები ცხრილში არსებულ ერთეულის ფასებთან შედარებით და არ უნდა აღემატებოდეს განფასების ცხრილში არსებულ ერთეულის ფასებს.
- 4) გამარჯვებული პრეტენდენტის მიერ სისტემის მეშვეობით წარმოდგენილ პრეისკურანტს და ვაჭრობის დამატებითი რაუნდების შედეგად დაფიქსირებულ საბოლოო პრეისკურანტის ღირებულების სხვაობის არსებობის შემთხვევაში, პრეისკურანტით განსაზღვრული ერთეულის ღირებულებების დაანგარიშება განხორციელდება არსებული სხვაობის პროცენტული მაჩვენებლის თანაბრად დაკლების პრინციპით. მოცემულ შემთხვევაში გამარჯვებულ პრეტენდენტს დამატებით მოეთხოვება კორექტირებული პრეისკურანტის წარმოდგენა, აღნიშნული პრინციპით დაანგარიშებული ერთეულის ფასების მიხედვით.

გასაწევი მომსახურების ტექნიკური პირობები

- 1) პრეტენდენტს მომსახურების გაწევისათვის უნდა გააჩნდეს კანონიერ მფლობელობაში ან სარგებლობის ნებისმიერი ფორმით (იჯარა, თხოვება, ქირა და ა.შ.) მოქმედი სერვის-ცენტრი, პერსონალით, ტექნიკური საშუალებებითა და შესაბამისი ინფრასტრუქტურით, ასევე საჭირო ფართი იმისათვის, რომ უზრუნველყოს შემსყიდველის ავტომობილის განთავსება აღნიშნულ ტერიტორიაზე.
- 2) მომსახურება უნდა განხორციელდეს ტენდერში გამარჯვებულისა და შემსყიდველი ორგანიზაციის უფლებამოსილი წარმომადგენლების მიერ შედგენილი დეფექტური აქტის (დათვალიერების აქტი) საფუძველზე, რომელშიც აისახება გასაწევი ტექნიკური მომსახურების აღწერა, სათადარიგო ნაწილებისა და საცხებ-საპოხი მასალების ჩამონათვალი, რაოდენობა ან მოცულობა, ღირებულება (პრეისკურანტით განსაზღვრული ფასების გათვალისწინებით), აგრეთვე მომსახურების დაწყებისა და დასრულების ვადები და შემსყიდველთან შეთანხმებული სხვა ინფორმაცია.
- 3) მომსახურების გაწევა შესაძლებელი უნდა იყოს რიგში დგომისა და მოცდენის გარეშე.
- 4) გაწეულ მომსახურებაზე და შეცვლილ სათადარიგო ნაწილებზე უნდა ვრცელდებოდეს მინიმუმ 6 თვიანი საგარანტიო პირობები (გარდა საბურავების, საცხებ-საპოხი მასალების, სითხეების, ფილტრებისა და სამუხრუჭე ხუნდებისა).
- 5) თუ ხელშეკრულების დადების შემდეგ, ხელშეკრულების მოქმედების პერიოდში აღმოჩნდება, რომ პრეისკურანტში არ არსებობს რომელიმე სახის ტექნიკური მომსახურება ან/და სათადარიგო ნაწილები, აღნიშნული მომსახურების ან/და სათადარიგო ნაწილების ერთეულის ფასი, მისი შესყიდვის აუცილებლობისას დადგინდება ურთიერთშეთანხმებით, საბაზრო ფასის გათვალისწინებით, ასეთ შემთხვევაში პრეისკურანტში შესაბამისი მომსახურების ან/და სათადარიგო ნაწილების არანსებლობით გამოწვეული შესყიდვის ხვედრითი წილი არ შეიძლება აღემატებოდეს პრეტენდენტის მიერ ელექტრონული ვაჭრობის შედეგად დაფიქსირებული პრეისკურანტის საბოლოო ჯამური ღირებულების 10%-ს.
- 6) პრეისკურანტში განუფასებელი ან ნულით განფასებული სათადარიგო ნაწილები და მომსახურება შემსყიდველის მიერ არ ანაზღაურდება და ჩაითვლება, რომ ამ სათადარიგო ნაწილებისა და მომსახურების ღირებულება დაითარება სხვა სათადარიგო ნაწილებისა და მომსახურების ხარჯზე.
- 7) განსაფასებელ ცხრილებში მითითებული მომსახურების ფასები უნდა იყოს საბოლოო და საჭიროების შემთხვევაში მოიცავდეს კონკრეტული მომსახურების გაწევასთან დაკავშირებული თანმდევი მომსახურების ღირებულებასაც.
- 8) პრეტენდენტი უფლებამოსილია შემსყიდველის მიერ წარმოდგენილს პრეისკურანტში შეიტანოს დამატებები სათადარიგო ნაწილების ან/და მომსახურების ჩამონათვალში, ამასთან აღნიშნულმა არ უნდა მოახდინოს პრეისკურანტის სავარაუდო ღირებულების გაზრდა.

პრეტენდენტის ხელმოწერა \_\_\_\_\_

(ხელმოწერის თანამდებობა, სახელი, გვარი)

ინფორმაცია სერვის-ცენტრის ადგილმდებარეობის შესახებ

სერვის-ცენტრის მისამართი	საკუთრება: მფლობელობის ან სარგებლობის ფორმა

პრეტენდენტის ხელმოწერა \_\_\_\_\_

(ხელმოწერის თანამდებობა, სახელი, გვარი)

ინფორმაცია პრეტენდენტის შესახებ

<p>პრეტენდენტის (ფიზიკური და იურიდიული პირის) სახელწოდება/დასახელება და საიდენტიფიკაციო კოდი (ფიზიკური პირის შემთხვევაში პირადი ნომერი):</p>	
<p>პრეტენდენტის იურიდიული და ფაქტური მისამართი:</p>	
<p>მომსახურე ბანკის დასახელება, ბანკის კოდი და ანგარიშსწორების ანგარიში:</p>	
<p>პრეტენდენტის უფლებამოსილი წარმომადგენელი (სახელი, გვარი, მისამართი, ოფისის ტელეფონის ნომერი, მობილური, ელ. ფოსტის მისამართი):</p>	

პრეტენდენტის ხელმოწერა \_\_\_\_\_

(ხელმოწერის თანამდებობა, სახელი, გვარი)